

憂之，勅曰：予昔亦得此病，衆方不効，欲服金液丹并白石英，衆醫禁之不許，予猶強服，遂得疾愈。今聞所患非草藥之可治，可服金液丹。若詢諸俗醫醫等，必駁論不肯，宜喚海淡海子細論問，隨其言說服之。虔奉勅旨，服茲丹藥，果得効驗，兼爲救解。古發設自治之法，世絕良醫，倉卒之變，可畏故也。今至晚節，熱發多變，救解有煩，世人未知朕躬之本病，上皇之勅旨，必謂妄服丹藥，兼絕自治而敗焉。宜記由來，令免此撈，恭遵詔旨，記而載之。帝從少小聖體，疴羸，然而貞辰之年，既登十八仙齡之算，亦踰四十，求諸中古，應无慙德，蓋由修善行仁，服食補養之力者歟。

〔文德實錄〕<sup>五</sup>仁壽三年六月辛酉，侍醫外從五位下菅原朝臣梶成，卒。梶成，右京人也。葉練醫術，最解處療。承和元年，從聘唐使渡海，朝廷以梶成明達醫經，令其請問疑義。五年春，解纜著於唐岸。六年夏，歸本朝，路遭狂飈，漂落南海，風浪緊急，鼓舶艙俄而雷電霹靂，桅子摧破，天晝黑暗，失路東西，須臾寄著，不知何島。島有賊類，傷害數人，梶成殊祈願佛神，僥得全濟。與判官良岑長松等合力，即採集破舶材木，造一船共載，爾時便風引舶，得著此岸，朝廷喜其誠節，十年爲鍼博士，次爲侍醫，卒於官。

〔三代實錄〕<sup>四</sup>貞觀二年十月三日己卯，正五位下行典藥正兼侍醫參河權守物部朝臣廣泉，卒。廣泉者，左京人也。本伊豫國風早郡，姓物部，首後隸京兆，賜姓朝臣。廣泉少學醫術，多見方書，天長四年爲醫博士，兼典藥，允遷爲侍醫。<sup>略</sup>中廣泉藥石之道，當時獨步，齡至老境，鬚眉皎白，皮膚悅澤，體氣猶強。卒時七十六，撰攝養要決廿卷，行於世矣。十二月廿九日甲戌，從五位下行內藥正大神朝臣庸主，卒。庸主者，右京人也。自言大三輪大田々根子之後，庸主奉姓神直，成名之後，賜姓大神朝臣。幼而俊辨，受學醫道，針藥之術，殆究其奧。承和二年爲左近衛醫師，遷侍醫。十五年授外從五位下，兼參河掾。後遷兼備後掾。三年授從五位下，貞觀二年拜內藥正。卒時六十三。庸主性好戲謔，最爲滑稽，與人言談，必以對事，嘗出自禁中，向作地黃煎之處，途逢友人，問云：向何處去？庸主答云：奉天皇命，向地黃處。此其類也。然處治多効，人皆要引療病之工。廣泉沒後，庸主繼塵，太收聲價焉。